

欽定剿平三省邪匪方略

欽定剿平三省邪匪方略正編卷二百六十三

辛酉年

六月二十四日

已

勒保奏言竊

臣

暫駐川東分

派官兵四路偵探旋探得湖北竹山竹谿兩縣

境內賊匪均各他竄七十五帶領川兵已由竹

山趕赴房縣會合長齡籌議探剿距川境已遠

臣

正在籌議移兵適太平縣稟報城口一路現

有由陝境沿邊分起竄來零星股匪倏出倏沒

均不知賊首姓名又通江縣稟稱有賊匪八九百人由陝竄入境內因母猪寨存有軍米前往圍攻經該署縣徐廷鈺會營帶領兵役團勇分路馳剿殺斃賊匪七十餘人渡河淹斃賊匪五六十人壯勇間有陣亡受傷餘匪遁回西鄉太平山旋據探此起賊匪又由竹峪關折入川境現在東鄉馬渡關一帶游奕其高二餘黨高見

奇一股節據報稱約有二千人在廣元縣屬之
旺蒼壩與陝境老林竄來之賊數百人合夥擾
至南江縣之斜巖高廟子地方經知縣裘良駿
督率惠民天池兩寨團勇扼要堵截鎗斃賊衆
數十名并斃執旗騎馬賊目一名逃出難民二
十名該匪等竄至三家壩地方適候補道劉清
率同把總陳安邦外委梁國彪軍功楊仕山等

帶領兵勇并調集巴州南江各團寨迎剿前來
賊匪奪路奔竄楊仕山奮勇當先率衆撲入賊
隊殺賊一百餘人又有後起賊匪趕到楊仕山
奮力抵敵復手刃賊匪三人力盡被戕鄉勇亦
有陣亡軍功李士玉徐琯張登岸何成龍蒲堅
王宗夏王彪差役王文等率同衆勇盡力衝殺
把總陳安邦外委梁國彪各帶兵勇分投奮擊

賊始敗退兵勇追殺二十餘里又斃賊四五十
名該匪等乘夜向廣元通坪一路竄去

臣

伏查

竄入城口一路之賊似係額勒登保德楞泰近
日在西鄉紫陽平利一帶剿散餘匪及從前藏
匿老林遺孽該處雖有託雲泰在彼防剿恐賊
匪零星散竄一時未能得手至高見奇股匪前
准長麟咨稱已派總兵蕭福祿帶兵四千餘名

來川追剿維時七十五業已分兵入楚臣遠在

川東且因川北一路硃寨本屬嚴密兼有蕭福

祿帶兵來川足資剿辦今據採報蕭福祿一路

官兵並未入川聞有撤赴黃官嶺防堵之信是

高見奇股匪既無陝兵跟追雖迭經南江巴州

一帶團寨截剿折竄遙坪地方但川北無兵剿

辦恐其仍復竄來蔓延腹地臣通盤籌畫大寧

一路已無賊蹤逼近且七十五前此帶兵入楚

時臣曾與商定如該提督到楚卽將匪衆就地

殲除固屬甚善設或將賊截回自應跟蹤回川

倘該匪等竄跡已遠楚省之賊如有折回者七

十五自必跟追前來川東兵備不致空虛臣因

卽督同阿哈保薛大烈等帶領官兵現向東鄉

太平一路進發不拘何股賊匪一經探實隨地

剿辦其高見奇股匪現竄通坪切近川陝邊界
老林如該匪等復又折回臣亦可就近馳往迎
剿以期次第殲除肅清川境再道員劉清帶往
三家壩打仗陣亡之軍功楊仕山本係鮮大川
股內賊目上年悔罪投出因將鮮大川殺斃割
獻首級奏蒙

聖恩賞給八品頂戴該軍功倍加感奮節次截剿竄

匪甚爲出力今殺賊捐軀殊堪憫惜相應請

旨照把總例賜恤以昭激勸其餘陣亡受傷壯勇人等容俟查明另行咨部辦理奏入

上命軍機大臣傳諭勒保曰勒保奏帶兵馳赴東鄉太平探剿竄匪兼顧川北一帶情形所辦尙是從前高見奇在陝時本屬敗殘餘匪被官兵追剿緊急乘間逃入川省爲數甚少何以到處潛匿糾約

又有一千餘人並有他股合夥似此漸聚漸多若不及早殄除必致鴟張又成大股現在七十五赴楚剿辦如楚匪折回七十五亦必跟追前來川東尙可無慮勒保現已馳赴川北務當督同阿哈保等認真剿洗肅清川境不可稍有遲緩至叅將蕭福祿前經長麟派令剿辦高見奇股匪今勒保稱蕭福祿一路官兵並未入川聞有撤赴黃官嶺防

堵之信此事甚奇蕭福祿既經派令剿辦高逆自
應跟蹤緊躡會同川省官兵併力夾擊卽經畧叅
贊等或另有調遣亦當奏聞派人更替何至將蕭
福祿遽行撤回致高見奇一股後無追兵任其遠
竄川境著勒保查明蕭福祿未經入川之故是否
實係額勒登保德楞泰等調回另用抑係蕭福祿
有意逗遛現在何處卽行據實具奏毋稍徇隱所

有此次殺賊陣亡之軍功楊仕山著加一等照犯
總例賜恤

同日河南巡撫顏檢奏言臣昨在老河口留駐

旬日整飭江防並查察巡船卡隘布置均屬合

宜現在楚境官兵分投剿賊殘匪極爲狼狽且

正當江流日長之時斷不致潛逃偷渡臣思防

禦在於扼要如探得賊竄何處輒將兵勇不時

移動轉非綏輯之道自不若分段駐守便於調
遣今鄖境已有完顏佑帶兵留駐可以專顧上
游至老河口一帶地方查南汝光道林樹芳從
前曾在江岸巡防於情形尙爲諳悉連日隨

臣

沿江查閱一切

臣

復將現在應行整飭事宜詳

切告知並令督飭派出分管鄉勇之知縣仇汝
瑚熊之書等往來稽察以儆懈忽是老河口一

帶有林樹芳專駐

臣

卽由韋家集馬登一路至

浙川縣荆子關等處簡閱官兵技藝申明紀律

不敢以賊氛垂盡稍任大意茲據鎮臣田永相

探報逆匪伍懷志向在南山盤踞之間官兵每

被牽綴今經擒獲其餘孽亦易掃除是陝境漢

江以北卽就肅清並聞經畧額勒登保已駐師

白土關相機截擊是陝境漢江南岸亦可卽就

敕寧官兵得專力於楚無難尅期集事所有豫
邊西路留駐之山東山西兵一千四百名似可
預籌收撤俾令各回本省以實營伍仍交各該
省原帶官弁管領回營至閬鄉縣外之大峪口
駐兵四百餘名專防潼商竄匪茲陝境之賊已
平似應將此項兵力收入腹裏交與常林管領
並將臣前調都司楊光時所帶兵五百名交與

田永桐管領再加以兩鎮現有之兵擇要分布
西面並不空虛俟旬日半月以外陝境零匪全
行殄滅卽將山東山西留豫兵丁從容裁撤再
俟楚境殘氛十殲八九決不再遁陝境則另移
西路官兵分駐老河口等處以兵代勇將鄉勇
諭撤歸農臣於此事已得其端緒可以妥辦再
此時豫省邊界情形防楚較殷於防陝臣數日

內將應辦事務妥爲經理擬卽仍至鄧州督率
巡防其盧氏邊境似可無庸前往奏入

上命軍機大臣傳諭顏檢曰現在陝境餘匪無幾卽
日自可殲擒毋虞東竄所有豫邊西路留駐之山
東山西兵一千四百各自次第裁撤俾各歸伍
至所稱將老河口駐防之鄉勇諭撤歸農一節此
事殊不易辦顏檢到豫未久一切邊防情形未能

深悉今因陝境將次肅清卽豫行議及裁撤並稱
得有端緒已不免意存自滿且湖北湯劉等逆尙
在房竹一帶奔竄豫省邊界防楚較殷於防陝若
遽將江防鄉勇撤退設賊匪竄近均穀潛行窺伺
彼時又須招募鄉勇甫經散去旋即招來必以捍
禦賊匪非伊等不可心生輕視顏檢惟當俟楚境
一律肅清再行籌撤此時尙須加意巡防毋得輕

率從事

二十五日

庚午

吳熊光全保長齡奏言查湯劉等

逆賊蹤飄忽分合無定匪類多寡一時猝難計

數前經官兵向南逼至興山長房河一帶

臣

吳

熊光等預經派令同知尹英圖遊擊孫效前在

堆子地方截擊該匪卽奔入黃家山等處老荒

中遁避

臣

等籌商此時肅清楚境固以截賊入

川爲要但衆匪實已震懾官兵與其逼逐不出
稽延時日又不若轟出老林設法分路乘銳痛
剿適據報房縣西南灣腰樹又有賊匪一股約
數百人亦由大寧邊界竄入

臣

全保卽督同副

將樊雄楚扼住上龕八卦廟北面要隘遏擊并
派副將朱士奉從寶石店稍河一帶迎擊不令
東奔與湯劉等逆合夥

臣

長齡率同孫清元等

一路走劉家灣知會七十五一路走茵子扒均
向黃家山轟剿湯劉各股大隊鼓勇并進初七
日在東南及東北兩面各老林山脚用大礮遙
轟并於無人處多懸旗幟作爲疑兵愈逼愈進
賊衆知難久恃山險輒於是夜三更時突出一
股偷撲臣長齡營盤直至壕外當經孫清元同
副將吉林泰奮勇迎剿鎗箭齊發斃賊五十餘

人千總張代鳳把總蔣光奎朱貴帶兵越壕迎
剿各手刃賊匪數名賊始敗退另有馬隊賊匪
自後撲上當用連環排打將當先二賊擊墜眾
賊趕上搶負兵丁鄧明直前奪回一賊天色漸
明臣長齡卽同孫清元吉林泰等分帶馬步隊
各出營盤追剿斃賊二百餘名奪獲刀矛三十
餘件生擒會正修一犯供認鎗傷之賊係白號

僞總兵彭良材其受傷倉回者係黃號頭曰張
萬林并稱湯劉二逆外又有辛聰王國賢在內
問據彭良材亦供認不諱當將二犯分別臠割
正法計是日擒殺賊匪三百餘名察探賊股從
倒坐坪前遁勢欲奔冷盤壩仍向東路竄去正
值七十五在羊耳河攔剿先於三坪皺箕山設
伏派令侍衛武隆阿副將張良槐叅將鄭起貴

馮元等帶兵迎敵該匪搶佔楊家臺山抵死衝拒兵勇呐喊競上銳氣百倍立時斃賊百餘名生擒七十一名賊匪始退滾落巖澗者約有百餘人我兵乘勢壓至茅家河沿途又殺賊二百三十餘人生擒六十二名逃出難民二百餘名正在喫緊之時忽有一股賊匪約二千餘人從右手林內抄出并分賊數百人繞至後路希圖

搶掠糧運當經武隆阿率同藍翎長保慶興安
泰等迎剿首先箭斃十餘賊武隆阿親擒馬上
穿紅褂賊目一名及馬賊四十三名時已將賊
逼至三坪簸箕山左近經遊擊蕭太和都司田
中桂等率領伏兵分兩面突出迎面格鬪攪殺
一處兵丁陳士受戳斃執旗賊目一名賊勢頓
覺渙散分投逃逆道員依精阿在後路激勵夫

役人等幫同擊打糧臺得以保護訊據穿紅褂賊目供稱係黃號總兵鄧起華現充開路先鋒各股賊匪又有庾老師傅在內餘與彭良材所供無異并指出已斃執旗賊目係首逆劉朝選之姪名劉大青當與伍良金等九十二名分別辦理其餘孫敏王李氏等二百三十三名口均係良民好爲慰撫給票各令回籍是日計擒殺

共九百餘名獲礮二位旗九桿鎗矛三百餘件
騾馬牛隻六十四頭匹該匪不能東走分一股
向北路竄走大隊又折回東南平水河意欲乘
虛闖入東湖地界臣長齡飛令孫清元等復從
毛耳觀取道兜進十三日抵六子坡地方賊正
由老林斜出當催馬隊官兵逼進擊射立斃三
百餘人匪衆退至偏嘴山逮官兵趕及復有六

隊從山梁下壓飛石如雨把總趙陞洪登科劉
得貴李鶴松等冒石向上仰攻立斃賊數十名
副將吉林泰總管託爾託保叅將楊安遊擊三
福常德毛秉剛等併力搶上山梁撲殺過山追
壓計是日斃賊三百數十名生擒金有德等五
十一名正法奪獲鎗刀矛旗四十四件騾馬四
十一頭匹又投出新襄戈大黃等三十八名就

近省釋查賊衆節次被官兵截擊實已膽落現

向原路折回房屬山南之柏水等處屯紮

臣

長

齡因

臣

全保一路係江西新兵勢覺稍單恐賊

向北分竄先酌帶馬隊由袁杜坪抄回上龕與

臣

全保會合仍知會七十五孫清元兩路由東

北面分道兜剿維時

臣

全保督飭朱士奉帶兵

從緒河至平土河迎剿灣腰樹賊股初猶抗拒

經官兵鎗礮並發并飭馬步隊分兩翼兜剿侍衛塔津保叅將烏爾卿額等率兵鼓勇競進殺賊一百餘名生擒馬賊王正富并活賊曹三保等二十八名當場喊令降出免死又投出民人張正芳等五十餘名餘賊大敗潰散時已昏黑察探匪衆無多踉蹌由水田坪向大寧境內竄去官兵須防大股賊匪北竄不便窮追訊據王

正富自認先鋒并供此股賊人係徐添德股內
元帥何升帶領經官兵剿敗過江後從白河繞
大寧邊界沿途搶食因聞湯思蛟劉朝選大股
人楚要想趕上會合今被剿殺僅剩百餘人定
必四散等語查該犯爲賊先鋒自應卽時辦理
但詢以各股賊人分合原委及首逆年貌俱能
詳悉是以暫時羈禁留作眼目將餘賊正法官

兵卽撤回上龕獅子崖臣等公同等計以徐逆

餘匪業已出境現將三路勝兵乘銳剿辦湯劉

等各股聲勢壯盛無難卽於楚境殄滅惟柘木

路徑叢雜該匪又不歸一隊行走此時似應一

面兜攔一面逼剿先顧住東北不使賊蹤深入

仍儘兵力辦理斷不肯以折出楚境了事至賊

股現在剿散或百餘人或數十人潛匿山林逃

避若在其往來自如勢必仍合大隊且恐內有
解散之人畏懼官法不敢卽時回籍

臣

等現派

知縣徐如灝等酌帶兵勇四路搜捕招集并曉
諭各堡寨首領連絡聲勢隨同剿撫以期乘此
剿辦得手之時速清餘孽并招集改悔之人緩
靖地方此次打仗孫清元一路把總趙陞首先
壓賊身受矛傷十四處力竭陣亡把總洪登科

劉得貴等均受刀矛傷數處甚重其餘兵勇間
有傷亡容再查明咨部辦理至在事滿漢各員
弁當此溽暑馳逐疊次得勝實在奮勉可嘉
等謹擇其出力尤著者開具清單伏乞

恩施鼓勵再有隨孫清元等探信之竹山練勇陳世
棠經該鎮派令赴頂塘一帶偵探猝遇匪衆兩
手爲其砍落情殊可憫
等現飭醫治並給與

養贍銀兩以示體恤奏入

上命軍機大臣傳諭吳熊光全保長齡曰此次吳熊光等督飭鎮將分路截剿多有斬獲俾賊匪不能東竄吳熊光全保二人雖未親身打仗但一切調度供支糧運經理妥協著先賞給吳熊光全保搬指鼻烟壺大小荷包俟楚境賊匪全行剿淨再加懋賞長齡孫清元吉林泰屢次痛殲賊衆尤爲奮

勇出力著交部議敘並各賞給玉搬指帶板大小荷包七十五亦著賞給玉搬指大小荷包以示獎勵至數年以來湖北剿賊總以截出本境卽爲了事其實甫經出境又復闌入來往無常已非一次雖屢經飭令無分畛域而積習究未悛改今吳熊光全保初到楚省且與長齡俱曾在樞廷行走之人於朕厯念軍務宵旰焦勞自所深悉務乘兵威

勝勢將此賊匪卽在本境剿竣不可轟出界外
遂云楚境肅清試思賊匪若驅入陝境仍須煩勒
登保等分兵攔截若逼往川東亦仍須七十五帶
兵躡賊回川剿辦豈不有稽時日况賊匪經此次
剿殺已有一千八百餘名餘匪至多亦不過二三
千名以得勝之兵剿窮蹙之賊更無難迅速集事
計此旨到時天氣已漸涼爽雨水亦已漸少正應

上緊起辦剿淨楚賊捷音一到必將吳熊光等優
加恩賚倘不能將賊匪卽在本境剿淨仍令竄往
川陝邊界吳熊光等不但無功而且有過矣至此
股要犯係湯思蛟劉朝選辛聰王國賢四人尙非
著名首逆若果真心投出亦可貸其一死如臨陣
生擒卽在該處正法無論官兵鄉勇能擒獲一名
者賞銀一千兩殲斃一名者賞銀五百兩並照前

例給予官職其打仗陣亡之把總趙陞首先壓賊
身受矛傷十四處力竭陣亡殊爲可惜著各部加
等照千總例賜卹又竹山練勇陳世棠被賊砍落
兩手情殊可憫吳熊光等業經給與養贍銀兩並
著查明該練勇如現無頂戴卽著賞給外委職銜
若因傷身故著各部照外委陣亡例賜卹

上諭內閣曰吳熊光等奏在事滿漢出力尤著各員

升頭等侍衛武隆阿加恩賞給阿勒精阿巴圖魯
名號護軍叅領額克昇額加恩賞給清噶巴圖魯
名號吉林佐領委叅領塔勒畢善廣東叅將德興
廣西候補都司黑達色俱加恩賞戴花翎盛京甲
兵巴林委官額克盛保肅清額吉林驍騎校恩特
和穆保黑龍江領催部委驍騎校特穆格圖莽喀
達領催噶塔保廣西把總楊名莫元洪荊州水師

營把總李鶴松宜昌鎮把總洪登科朱貴黃州協外委羅萬泰俱加恩賞戴藍翎以示鼓勵

二十七日

臣

額勒登保奏言竊

臣

於平利一帶

催調穆克登布官兵一面派令楊遇春等帶兵由獅子壩南坪趕剿冉學勝等股匪據楊遇春呈報探得冉學勝股匪與張添倫等餘匪合夥後因人多艱於掠食又復分夥奔逃楊遇春於

十一日進抵黑虎寨偵得冉逆於長塘一帶依傍山林屯劄相距不遠遂乘夜分路進剿該匪卽於山林中四散飛奔我兵併力追剿斬獲數十人正在趕殺之際忽遇烈風暴雨賊匪翻越山林遁去山水旋又漲發我軍不能窮追次日早間雨尙未止探得該匪有東趨嵐坪之勢令總兵張鳳副將應元寬等帶兵繞出嵐坪抄截

楊遇春同格布舍復帶馬步官兵赴孟石嶺而
進十二日午後甫抵孟石嶺適遇龍紹周等分
股賊匪七八百人從安家河竄來我軍直前迎
剿立斃賊四五十人賊即回竄楊遇春等帶兵
乘勢追殺四十餘里殺賊一百數十人生擒賊
匪王成等七十一名訊據供稱龍紹周戴家營
崔胡等大夥在八仙河一帶或欲前往四川或

欲竄至湖北商量不定今日特分出八百餘人
由雞毛關來孟百嶺一面探路一面搜尋糧食
不料遇見官兵等語其餘敗匪是晚仍行南遁
定係歸入大夥其時德楞泰帶兵探剿龍戴股
匪由黃土嶺沿河已抵松樹廟一帶楊遇春准
恐冉學勝乘間遠颺遂將龍忽同等賊蹤呈報
德楞泰辦理卽帶兵轉回小毛溝趕抵獐子坪

與張鳳等合剿冉逆股匪該匪由嵐坪龍鬚壩
竄赴大小巴山楊遇春等現由八道河一帶進
剿旋接德楞額奏來信連日由沙河一帶進剿因
大雨不止河水阻隔龍戴等逆有由兩扇門入
川之勢但查兩扇門地勢過於險仄道路早又
挖斷諒該匪不能竄往必由正陽河東向鎮坪
奔竄

臣

本欲由磚坪進剿因賊股東趨是以撤

轉至菩提寺遂先飭令總兵劉瑞副將楊芳遊
擊劉健標等帶領馬步兵勇由蓮香河八里關
八卦廟一帶攔截十四五日穆克登布豐紳所
帶之兵勇等陸續俱到臣隨即與札克塔爾等

帶領由長沙鋪白土關前進以爲接續且又據
楊遇春報稱十五日午後在八道河之白菓坪
一帶追及冉逆股匪擒斬一百數十人奪獲騾

馬器械甚多并有壞崖跌斃者該匪被剿情急
全棄驟馬由西溝撲入林箐奔白土嶺潛竄楊
遇春與格布舍張鳳等將兵勇分爲數路由曾
家壩浪河朝天坡等處不分雨夜併力剿捕該
匪倘從曾家壩一路北折臣所派之總兵劉瑞
等正在八卦廟探蹤夾擊刻又接德楞泰來信
龍紹周與戴家營等四五股賊匪竄至兩扇門

因道路經民人挖斷果由大蜀河小蜀河正陽
河老林勢欲東趨鎮坪德楞泰現派喜明馬玉
魁等帶兵由八仙河緊躡追剿德楞泰由化龍
山向鎮坪抄截臣查該匪既由鎮坪逃竄該處
係三省交界非由雞心嶺大寧地界入川卽東
由竹谿邊境入楚該匪如向川境奔逃德楞泰
自必帶兵入川緊剿若使該逆由二竹以南深

入楚省更關緊要臣於十八日已抵陝楚交界

之關垵子距楚之竹谿只有五六十里現在四

探賊蹤截擊如龍逆等股全數入楚臣卽帶同

札克塔爾穆克登布等從竹谿竹山一帶親往

督剿並據竹谿縣稟報又有分股賊匪千餘人

由竹谿南山之下三壩廣龍灘竄向石板河奔

逸尙未確知係屬何股分出但既有餘孽必當

剿除臣已飛飭德昌等帶兵由雙竹園泉溪偵

探截擊再接准吳熊光長齡來信湯劉等逆經

孫清元等於豐邑坪截剿斬獲多人賊匪未得

東趨或由歸巴竄回巫山或入大寧均未可定

臣

已疊次札飭七十五等會同楚省官兵併力

趕辦如賊匪折向川境有七十五追剿前進勒

保帶兵亦在川東一帶自可接手趕辦倘該匪

久或充先鋒或充探馬頭目自知罪在不赦故遲疑不敢卽行出來今見各處告示知

皇上天恩仍予生路所以投出懇求免死情愿出力

臣

察其情狀尙無虛假自當解送原籍安插因

伊等情愿隨同官兵殺賊報效此時大兵雲集原無須伊等之力但亦未便阻其悔罪效力之心現已暫留軍營專派都司李廷珍管領如果

能奮勉出力自當一體予以獎賞再前據石泉
縣知縣李樞煥稟報該縣寨民拏獲逆匪方文
祥方文鳳張吉何貴高長生等數名昨亦據該
縣派委典史鍾尙綱率同寨民解到軍營逐一
研訊各該匪均自認爲賊營僞軍師僞總兵探
黑頭不諱法無可貸亦卽分別發遲梟示並將
緝捕出力之寨民等分別賞給銀牌銀兩以示

嘉獎奏入

上命軍機大臣傳諭額勒登保曰現在楚省湯劉二
逆據吳熊光等奏到大加剿殺擒斬一千八百餘
名勢已潰散此時額勒登保由二竹一帶督兵前
進不但可追龍戴等股匪不致深入楚省卽湯劉
二逆被剿東趨更可與楚省官兵收兩面夾擊之
效勉之望之惟高見奇一股昨據勒保奏到約有

二千餘人援至南江廣元一帶辦理又屬費手此
股賊匪前經額勒登保派令蕭福祿跟追入川何
以勒保前摺稱蕭福祿並未入川有撤回黃官嶺
防堵之信今額勒登保摺內亦未提及殊不可解
此時蕭福祿究在何處是否係額勒登保續行以
調如係蕭福祿有意逗遛著卽查明嚴叅治罪又
據參穆克登布剿辦伍逆時有伍逆股內頭目張

國祥等二百餘人先後投到現在懇留軍營此等
悔罪投出之人自當貸其一死妥爲安插今因伊
等懇請出力留於軍營殊不可信伊等本係曾經
從逆之人雖投出自効而當此軍務將竣之時豈
復仗伊等出力况經畧大營尤宜加意慎重設勾
通外賊所關非細卽不慮伊等爲肘腋之患或聞
官兵剿賊機宜稍有漏洩亦屬非宜但此時額勒

登保業將伊等留於大營若一時遽行遣回安插
伊等又必內懷疑懼額勒登保當諭以爾等悔罪
來投情願出力固屬急公但爾等被賊裹脅已久
往來奔竄幸免屠戮此時大功已將完竣實不忍
再令隨同打仗致授鋒鏑爾等應各回原籍地方
自安生理一面量加資給遣回交地方官妥爲安
插如此則伊等無所疑畏而大營弁兵等亦可晏

然於軍務有益續得捷音再施渥澤

同日勒保奏言臣接據探報前竄東鄉馬渡關

之賊業由普光寺老君場一帶竄至蝦蟆口地

方與太平固軍壩竄入餘匪一股合夥並據逃

出難民丁一元供稱係青藍兩號餘黨藍號係

鮮俸先苟文通二人爲首青號係何姓爲首臣

當卽督兵趕緊馳剿十四日申刻兵抵樊哈店

據探事弁兵報稱該匪等現由黃土壩竄過前
河攻撲寨硯距我兵約有七十里

臣

恐該匪等

聞風遠逃遂於是夜二更後督率阿哈保薛大
烈等帶領將弁兵勇乘夜前進行抵仁和永興
二寨附近地方天色黎明哨見該匪等正在分
攻該寨團勇極力抵禦

臣

隨派阿哈保率同協

領達斯呼爾岱委叅領依爾東阿佐領托永安

委防禦巴彥圖驍騎校色布典額常祿副將張
績遊擊傅廷佐鄔海慶都司傅廷標守備馬明
德等帶領滿漢兵勇從左首山溝兜剿薛大烈
率同副將海常叅將羅聲皋李錦麟遊擊楊春
榮桂涌李得都司張拱辰馬成林守備高聯陞
王學閏等帶領兵勇從右首山溝兜剿臣督同
侍衛花品塔什拉副總管格亨德爾副將倭星

額叅將蕭鳳來遊擊盧呈瑞門繼春晉之理都
司畢萬年胡定邦守備王泰等帶領馬步兵勇
從中路進剿該匪猝不及防我兵乘勢逼近寨
前三面圍剿該匪等不敢抵敵奪路狂奔我兵
分投緊蹙追過數重山梁沿途斃賊多名賊衆
紛紛亂竄是否真賊抑係被脅難民一時難辨
遂傳令各兵高聲喊叫凡係難民卽棄械出來

不必隨賊逃跑當卽散出者甚多我兵追至華
尖壩河邊佔住淺灘賊匪卽從深淵淌渡淹斃
約四五百人餘匪僅有百餘人過河奔逃經達
斯呼爾岱塔什拉張積羅聲阜李錦麟卽海慶
傅廷標等及滿漢馬隊踴淺競渡追過一重大
山至衝天槽地方截住將餘匪殲淨此次打仗
除淌渡淹斃賊匪不計外先後殺賊五六百名

生擒戴翎賊目一名大旗手二名戰手一百七
十三名逃出被脅難民男婦四百九名口奪獲
賊旗三十六面鳥鎗六十一桿長矛五百八十
九根騾馬牛一百四十頭匹當卽分賞兵勇訖
遂提賊目訊據供稱各何子魁向在徐添德營
內充當先鋒昨在西鄉地方被官兵打散帶領
百餘人逃入老林會遇各路剿辦零星餘匪陸

續湊合共有四五百人入川由太平回軍壩至
東鄉蝦蟆口地方與藍號鮮倖先苟文通等合
夥商量要到開縣一帶搶掠糧食又於活賊中
訊出鮮倖先之叔鮮文順據供我姪鮮倖先與
苟文通向在藍號元帥王士虎營內充當總兵
今年正月間在碑灣寺被官兵打散不知王元
帥下落鮮倖先苟文通二人帶四五百人逃竄

在西鄉紫陽太平通江一帶撲樁裹脅共有八九百人伊二人就自立爲元帥前到通江地方要想攻撲母猪寨搶糧被官兵打敗竄回西鄉又從竹峪關入川沿途遇同號打散二百餘人歸在一起走馬渡關普光寺一路到蝦蟆口又與何子魁合夥今日攻寨不想官兵到來我姪鮮倅先已被殺死苟文通撲河淹斃當令將所

將首級指認據指出鮮俸先首級衆認屬實復
又打撈苟文通屍身無獲當將該犯何子魁鮮
文順大旗手吳芳曉張宗仕戰手池仲榮等一
百七十三名一併分別正法其逃出難民宋明
禮等並婦女幼孩共四百九名口卽就近釋放
並遞籍安插奏入

上命軍機大臣傳諭勒保曰此次青藍兩號餘匪在

東鄉地方攻撲仁和永興二寨經勒保率同阿哈保薛大烈等分兵三路奮力兜擊追至華尖壩河邊賊匪情急淌渡深溜淹斃四五百人餘匪逃奔復經滿漢馬隊躡淺徑渡將藍號賊首鮮倖先殲斃苟文通撲河淹死並生擒青號賊首何子魁及大旗手吳芳曉張宗仕戰手池仲榮等一百七十三名餘匪全行殲盡所辦甚屬可嘉勒保前因剿

賊遲延革去翎頂但念伊現在總督於觀瞻究屬
非宜此次旣知奮勉出力著加恩先賞給四品翎
頂俟將川省各匪全行掃蕩後再加懋賞阿哈保
薛大烈著交部議敘其達斯呼爾岱塔什拉張緒
羅聲皋李錦麟鄔海慶傅廷標等七員並著勒保
查明據實保奏再降恩旨至所稱太平一帶竄來
陝匪自卽係高見奇一股勒保當督同阿哈保薛

大烈等帶領勝兵速行剿辦務須將該匪等卽在
川省地方剿捕淨盡方爲妥善設或此股賊匪又
有折回陝省之事勒保係川省總督自毋庸越境
追剿當派令阿哈保薛大烈等躡蹤上緊剿辦完
竣不可稍有延緩

欽定剿平三省邪匪方略正編卷一百六十四

辛酉年

七月初二日丙子吳熊光全保長齡奏言查湯劉

一二逆會合辛聰等股並黃號賊首張萬林白號

賊首王鎮賢入楚是以人數較多前於四月間

黃白二號由陝境闌入經臣長齡截出川界茲

復夥同湯劉一二逆竄來分道滋擾極為狡譎派

萬林於初七日率眾偷撲營盤經官兵鎗傷賊

衆搶回各首逆稍知畏法嗣由桓木等處原路

散竄_臣等知會七十五及飭令孫清元吉林泰

等兩路兜攔逼剿一由袁杜坪抄東而西一由

扇子壩抄北而南_臣等由上龕仍派官兵自北

向南直壓將山內通鄖均小徑全行遏住聲勢

極爲聯絡陸續搜獲散匪共二百餘名皆係精

壯子手概子駢戮其孫清元一路緊躡賊後該

匪復攢集大隊繞出帽丁橫欲閃過官兵仍向
東走東湖保康地界適七十五率領官兵攔至
叅將鄭起貴都司閻俊烈羅思舉蒲佑盛等分
帶兵勇迎前突出匪衆頭隊猝不及備當被殺
數十名卽折回逃避侍衛武隆阿營總傳森額
等領馬步隊並進忽左右林內擁出大衆吶喊
衝撲官兵三面連環齊發初以馬兵攪殺繼用

大礮轟打斃賊一百四十餘人時有馬賊前後指揮督陣情形甚覺兇惡官兵瞥見搶上圍殺兵丁賀應彪首先衝入用長矛直戳墜馬割取首級餘匪大敗退走武隆阿鄭起貴等分投追進沿途又擒獲活賊八十九名搶得白旗鎗矛等件訊據活賊李前吉供稱此各股賊內湯劉張王爲首張萬林是黃號頭目王鎮賢是白號

頭目又名王國賢向在前敵與官兵接仗今日
領衆要衝開東路行走不料被殺卽令其認出
首級並研訊衆賊所供僉同現將該犯屍身查
出脣割首級傳示被擾地方兵民無不歡悅一
面察探各賊股知已由九道梁向北竄走似欲
奔近上龕臣全保長齡卽督兵由仙家坪一路
進擊鎗斃騎馬賊探十一人賊衆又折回分股

一向紅坪南遁一向灣腰樹西走均與川境大
寧相距不遠且賊勢節經痛剿實已敗殘無難
驅逼出境又探聞勒保帶領官兵在大寧北面
探蹤迎剿楚省官兵自應緊跟賊後壓擊惟據
報竹谿之石板河又有零匪一股竄逸勢將東
趨竹山縣境經畧額勒登保已會兵抄至兜剿
而平利之大小樹河漆扒寺處復有龍紹周股

匪往來竄突距各卡隘甚近叅贊德楞泰由界

嶺攔剿不日亦將到境

臣

等熟思籌顧大局分

路堵剿趁此官兵雲集之時並力夾擊早殄賊

氛現在上龕獅子崖等處爲東北腹地扼要

臣

吳熊光仍督飭副將朱士奉等暫紮獅子崖

臣

全保長齡已帶兵遏住仙家坪上龕以防各匪

竄近飛札七十五並孫清元兩路仍分投緊逼

湯劉等逆向西南前進若在川楚邊境卽可與
勒保兩面合擊倘該匪復與石板河賊股會合
則截其東突又可與額勒登保大兵會剿並知
會明亮一路官兵由竹山取道橫擊分佈已極

嚴密

臣

吳熊光因楚省添集官兵糧餉關係緊

要房縣爲各路糧運總滙之地距獅子崖不遠

可以往來督飭分路供運現在各路敗匪皆至

川陝楚三省邊界希藉地勢交錯之處往來折
避苟延殘喘今官兵三面逼近賊勢已蹙就楚
省而言惟有併力從東北擠向西南無論何股
總期與川陝官兵聯絡夾擊不令乘隙折回則
次第殲除可冀剋日蕪功適又接據竹谿縣郭
淵極稟報經畧額勒登保剿一股竄匪於二
十日行抵楚省竹谿縣屬會灣地方知府王正

常已攜帶軍火糧餉趕緊前往預備支放又接
叅贊德楞泰來信龍紹周張家營等數股殘匪
於十七日竄向芳古坪德楞泰現由正南雞心
嶺追剿前來並經德楞泰就近札知明亮德昌
帶兵分投迎堵現在楚省湯劉等逆暨各股殘
匪節經_臣等剿敗逼向邊界逃遁恐該匪等聞
有賊股竄楚又復折回牽綴我兵_臣已飛速寄

殲除卽當同膺懋賞吳熊光等不可不倍加奮勉也

初八日壬子德楞泰奏言竊臣前在平利大貴坪

與經畧額勒登保會合將川陝楚現在股匪及

剿辦大局熟商籌計額勒登保由東北向西南

進擊臣卽帶兵由白土關八卦廟西進所有龍

紹周等駭聚張家營戴家營崔胡二逆並藍號

李炳賊匪分股逃竄川楚暨連日追剿各情形
因距額勒登保軍營不遠臣俱已隨時詳晰寄

呈奏報十八日臣兵抵川陝交界之黑虎嶺探

知龍逆張家營等賊匪又翻茅壩大山由一碗

泉向大寧雞心嶺竄入竹谿之巴豆園茅古坪

一帶戴家營崔胡二逆並藍號李炳分股搶撲

西溝西密河卡隘均經都司鄧興相守備胡宗

典督率兵勇堵禦未能衝過遂翻漆扒老林竄入豐溪湖向洞賓口五里埡東來查黑虎嶺距洞賓口不過七八十里自應就近截剿是夜四鼓卽帶兵取道竹谿之西溝進擊午後由洞賓口趕至五里埡探報該逆等已向高足河竄去當卽催兵趕至紅巖溝見賊匪四五百名將進溝內當令賽冲阿温春色爾滾等帶領馬隊由

溝口大路飛馳進擊

臣

督率馬瑜蒲尙佐等帶

馬步兵勇分上左右兩邊山梁繞前抄截詎該

匪一見官兵並不接仗惟亡命前奔出溝後卽

紛紛扒山越林四散亂逃我兵分投追剿立斃

賊匪約二百餘名擒獲活賊樊正元何漢林等

七十八名奪獲賊旗馬匹刀子等件訊據獲賊

樊正元等供稱係戴家營崔宗和胡明元李炳

等合夥有三千餘人在石渣河與龍紹周商量
分路行走可以牽綴官兵又可擄食總到湖北
地方再會龍紹周張家營等走大寧山裏轉往
湖北我們就翻漆扒老林到豐溪我在賊營曾
聽說徐添德被官兵殺死等語諛明後俱已分
別辦理差探該逆等又由馬鞍嶺竄大河小河
直出松樹坪與龍逆所竄之茅古坪相近勢必

又合正可聚殲

臣

鼓勵官兵俱各奮勇連日又

由竹山之天地垵追躡東來二十二日我兵於

馬鬃嶺趕上龍逆股匪

臣

督同賽沖阿溫春色

爾滾馬瑜蒲尙佐等帶領馬步兵勇分投趕剿

當斃賊匪三百餘名生擒李晉光等一百二十

三名奪獲旗幟騾馬直至山頂賊匪卽由白河

口梨樹垵翻越數重大山向平渡河逃竄二十

三日賊又向青峰溝一路奔逃孫清元等帶兵
迎截前來該逆等探知前有官兵遂又折八里
坡走木耳溝鑽入老林西竄臣於二十四日趕
至木耳溝查木耳溝一路有懸崖偏橋十一處
只可單騎魚貫而行賊匪過後盡皆折毀該匪
狡猾異常所走之路總欲疲我兵馬若跟追而
進反受其愚弄查該處路通老木孔金竹園西

南走瓦桑河又通紅坪向家壩之路西北走瓦房坪官渡河卽通竹谿現在賊勢迥非前比前因川省洞寨嚴緊無可擄掠應將賊匪逼入川境剿辦較易爲力現在

臣

與七十五兩路官兵

均在楚省剿賊而經畧額勒登保已入楚境竹谿一帶探剿是三省大兵盡在子楚而龍逆駁聚各股餘匪亦不過六七千人若逼截回川勒

保現在川東相離較遠以

臣

一旅之師跟剿未

免稍稽時日今將該逆等逼向西竄正是極好

機會

臣

派令千總馮正相帶領鄉勇二百名參

張旗號入老林尾躡遙爲大兵聲勢擬令孫清

元托爾托保吉林泰等帶領馬步兵勇由南面

平渡河一帶西進遏其由向家壩入川之路

臣

督同賽冲阿溫春等由北面板橈垵瓦房坪直

趨官渡河西剿並移咨明亮帶兵在豐溪一帶
截住竄陝老林之路並詳晰咨呈額勒登保處
自必撥兵追剿以各路大兵四面兜擊絕其狂
奔之計定可卽日掃除再查湯劉賊股已由九
道梁竄赴羅漢洞張公橋有入川之勢七十五
帶兵緊跟前追孫清元由舉人坪前來迎剿龍
池等股賊匪全保長齡恐湯劉二逆折回帶兵

在獅子壩堵截頃接額勒登保來信冉寧勝股
匪屢被楊遇春截剿只剩二百餘人遁入老山
現在分兵搜捕卽可掃除又大寧山內桐油壩
有冉添泗一股約有一二千人在彼游奕南江
山內尙有高二餘匪一二千人往來滋擾此外
餘匪藏匿三省交界老林之中已經額勒登保
分派官兵搜捕並通飭及石州縣妥爲招撫卽太

平一帶

臣

已札飭總兵託雲泰就近鼓勵各洞

寨團勇隨同官兵逐處搜捕務期淨盡再

臣

自

松樹廂追賊至今旬日賊匪行徑均係老山險

仄之路雖官兵緊躡總未能大加痛剿被擄難

民乘空逃出者日或數十名至百餘名共計陸

續逃出大小男婦八百七名係平利竹谿附近

百姓隨時給予銀米路票就近釋放回籍尙有

渙散自行回家者詔亦不少細訊賊營情形實

因絕食衆心渙散

臣

因將獲犯內陳大貴郭安

泰二名留營逐日隨行令其目擊省釋難民察

其詞色頗知感激

臣

又謹遵疊奉

諭旨剴切宣示曉以利害如著名首逆王廷詔等先

後均被擒斬所剩餘匪無幾旦晚即可剿盡仰

惟

皇上好生如天念爾愚氓無知不忍一概駢誅不但
被脅百姓卽習教賊匪並首逆等有能悔過投
出者一併赦宥或能縛獻首逆立功者亦卽給
予銀兩官職並另繕簡明告示數張追回賊營
傳宣該犯等欣然願往臣隨令持示前去如果
該犯等辦理有效俟其回日臣卽重加獎勵

德楞泰又奏言

臣前奉

上諭以首逆張允壽被孫清元所帶官兵打仗中礮

身死令

臣

查明轟斃張允壽確係何人等因

臣

當

卽敬謹恭錄咨行長齡等確查移覆茲准長齡

等覆稱是日熊藏山打仗前敵係副將吉林泰

二等侍衛呢瑪善帶兵首先進剿搶上山梁安

穩礮位把總蔣光奎看定準頭馬兵楊文光執

繩點放轟斃多賊惟見一賊中礮衆賊搶扶而

去賊卽敗走當時實不知是何人未敢遽行入

告茲蒙查詢理合移明等情臣覆加查核無異除副

將吉林泰臣與額勒登保會奏保陞宜昌鎮總

兵外二等侍衛呢瑪善首先帶領官兵進剿卽

轟礮擊斃首逆應請

旨量予鼓勵以頭等侍衛陞補其把總蔣光奎馬兵

楊文光均請

賞戴藍翎以千把卽補之處出自

天恩奏入

上命軍機大臣傳諭德楞泰曰朕盼望各路軍營捷報宵旰縈心而於額勒登保德楞泰兩路尤爲厯切乃德楞泰自前月十二日報到後直至本日始行續有奏報相距幾及一月不但朕懸盼焦切卽在廷諸臣亦同深跂望况此摺內所敘情形僅載

賊匪六百餘名而首逆龍紹周等尙未就獲亦不
過尋常奏報何庸遲至多日乎又據稱連日追剿
各情形因距額勒登保不遠俱已隨時詳悉寄呈
奏報殊屬非是經畧叅贊位分相近德楞泰如果
與額勒登保同在一處凡有奏報自應連銜具摺
若相距數十里卽當自行專摺具奏何必寄呈經
畧輾轉稽延德楞泰寧不知朕厪念軍務無時或

釋耶嗣後如係擒獲首逆喜報自應用六百里加
緊若打仗得勝用六百里馳奏卽並未與賊接仗
或殲賊無多亦當隔數日用五百里奏報一次毋
得再有稽延此次德楞泰將龍紹周等逼向西竄
分令孫清元等由南面平渡河一帶遏賊入川之
路德楞泰督同賽冲阿等由北面直趨官渡河進
剿務會明亮截住竄陝老林之路并知會額勒登

保撥兵追剿各大兵四面兜截使賊匪無從竄逸
所辦甚是惟望將龍紹周等股卽在湖北境內剋
期殲除佇待捷音速至至不能成股之賊不過一
二百三四百人藏於三省交界之中亦不可忽畧
殘匪雖屬無多但無官兵逐處搜捕任其勾結合
夥必致又成大股現在峽境已經額勒登保派員
搜捕德楞泰亦札飭托雲泰帶同兵勇逐處搜捕

務於七月內將大股各首逆殘敗餘孽一律殲除
爲要又德楞泰奏遵照前旨令獲犯陳大貴郭安
泰二人攜帶告示同回賊營傳布招撫一節所辦
亦是如果該犯等辦理有效賊匪聞風投出自當
照前旨分別辦理歲功更易也

上諭內閣曰德楞泰奏查明轟斃首逆張允壽出力
官兵除副將吉林泰業經陞用總兵外所有二等

侍衛呢瑪善著以頭等侍衛陞用把總蔣光奎著以千總卽補馬兵楊文光著以把總卽補均加恩賞戴藍翎以示鼓勵

同日長麟陸有仁奏言查安插鄉勇爲善後第一要務本年三月間臣等奏明請於大功告成後將鄉勇撥歸各營當兵或分交各州縣以壯丁等役挑補欽奉

諭旨照議辦理惟是鄉勇人多勢眾不可一日乏食

此事若不早爲籌畫大功一經告藏各鄉勇以

人待缺仍不免於嗷嗷除臣等已於五月內飭

知各營汎州縣遇有馬糧缺出仍以陳兵內之

步守拔補其所遺步守各缺毋庸招募卽留俟

將來安插鄉勇其各州縣所出壯丁各缺亦卽

一體扣留竊惟章程不厭周詳祈辦理方無掣

時現在陝省各路鄉勇中四川湖北陝西之人
最多將來如有情願在陝省入伍當差者自應
一體安插不可過分畛域其中有川楚之人情
願各回原籍入伍當差者亦有雖回原籍不願
入伍當差者并有陝西之人或有父兄可依或
有舊業可復亦不願在陝西入伍當差者若不
條分縷晰預定章程必致臨時倉猝伏思此等

鄉勇倘有不願入伍當差者自應別籌安置之
法然若議以查出叛產撥給鄉勇其勢似亦有
隔碍難行之處緣教匪多係川楚之人陝省叛
產本屬無多將來既須安插無業難民必致所
餘無幾且鄉勇不諳耕作將來牛具籽種之外
仍須給與口食其糜費既屬繁多而受產之各
鄉勇於待時播種及未經收穫以前亦必致私

相典賣蕩費無存仍不免於乏食滋事但各鄉
勇旣不願入伍當差叛產又屬不敷分撥若竟
任其各自散歸竊恐若輩賦性桀驁一旦口食
無資途次結夥搶奪擾害良民勢必不免臣等
悉心酌議應請於大功告成之日卽將各路鄉
勇分別問明情願留陝者留於陝省安插其有
不願留陝者亦不准其自行星散仍令歸成隊

伍人少則歸一隊兩隊人多則歸爲三四隊或五六隊仍按名按日給予口食銀兩並按隊各派叅遊都守率同千把外委等官分隊帶領四川者送歸四川湖北者送歸湖北應由四川湖北派官在交界處所接收各就地方情形妥善安插其有原籍陝西或有父兄可依或有原業可復不願入伍當差者亦不許其各自散歸亦

按日按名給子口食銀兩酌派都守千把送歸
原籍俟到籍之日由原籍州縣每人給一月口
食銀三兩作爲貲本復業安生俾不致於流蕩
仍嚴飭各該州縣營汛及保甲鄉約等不時嚴
密稽查如散歸鄉勇內有在籍生事不安本分
之人卽行拿究辦理懲一警百如此分別辦理
恩威並濟各鄉勇亦必知感知畏不致別生事

故惟是大功告成後情願入伍當差之鄉勇確
有幾何殊難預定倘或將來人多缺少亦不可
不預先籌畫查現在各路鄉勇中如經畧額勒
登保叅贊德楞泰提督楊遇春總兵穆克登布
所帶鄉勇俱係四川湖北之人且常川打仗搶
獲賊匪貲財驟馬俱經陸續寄回原籍將來大
功一經告成此等鄉勇止須給予路費口食卽

可仍回原籍各安生業亦不須再行入伍當差
又各廳州縣所募鄉勇多係本地土著居民賊
至卽增僱數百人賊去卽減撤數百人招來揮
去已成習慣又如藩司王文湧所帶鄉勇暨省
城所練防守峪口之各壯丁俱係就近僱募將
來大功告成此等鄉勇可立時令其回家不必
給與口食路費亦可保其相安無事惟西鄉南

鄭現在防堵之鄉勇共計有七八千名遊擊薛國相所帶防守南山北面之鄉勇一千名原任總兵柯藩現帶鄉勇三千名約計共有鄉勇萬餘名此項鄉勇將來有家可歸者少無業可安者多其有家可歸者仍照前議給與路費口食到籍給與貲本銀兩外其無業可安者計南山內寧陝營汛將來尙有應招新兵約可補缺一

二千人又_臣等現在公同會商擬將固原提督
改設漢中尙未具奏將來如蒙

俞允亦可將應行安插鄉勇招爲新兵計可補缺二
三千其餘尙有無缺可補之鄉勇數千餘人除
再撥給各州縣挑充壯丁各役外其餘自應仍
照_臣等前議一概收入營汎酌量營分大小按
營派撥作爲餘丁此項餘丁若令按名候缺揆

補有需時日若一概增添錢糧則

國家經費有常未便虛糜

臣

等悉心酌議查陝甘

兩省共額設營馬三萬二千二百九十餘匹嘉

慶四五兩年調動營馬一萬四千五百二十餘

匹已補馬六千七百餘匹尙有未補馬七千八

百二十四匹北項缺額馬匹於大功告成後若

卽令其如數買補亦未必能依限買補齊全且

自軍興以來陝甘兩省調馬最多尙存未調馬
一二萬餘匹是營馬已屬充足亦可無庸急急買
補應請卽將此項節省馬乾銀兩養贍餘丁計
馬三匹應得草乾按照步兵分例可養餘丁二
人將來餘下補缺二人騰出草乾三分卽可買
補馬匹人以漸次補缺馬亦漸次補額不過一
二年間數千鄉勇卽可全數補完數千缺馬亦

可全數補足似與安插鄉勇支用經費兩有裨
益奏入得

旨軍機大臣會同兵部速議具奏